


## REVISTA SITUASAUN JULLU 2015

### ASUNTU NE'EBÉ PRESIZA TAU ATENSAUN

- ▶ Númeru insidente violénsia iha Dili tun, hafoin rejista ho númeru aas durante fulan 3 husi Abril to'o Juñu;
- ▶ Insidente violénsia liga ba kestaun polítika kontinua rejista ho númeru aas, hamutuk 14 no husi insidente ne'e, metade iha relasaun ho Forsa Empeñamentu Operasaun Konjunta (EOK) iha Munisipiu Baukau;
- ▶ Hemu tua no lanu hodi provoca no hamosu violénsia kategoria hanesan insidente númeru aas ba daruak iha fulan Jullu, ho total 16.

### NÚMERU INSIDENTE VIOLÉNSIA IHA DILI TUN, HAFoin REJISTA HO NÚMERU AAS DURANTE FULAN 3 HUSI ABRIL TO'O JUÑU

Sistema Atensaun no Responde Sedu (AtReS) iha fulan Jullu rekolla dadus insidente violénsia ne'ebé akontese iha Dili hamutuk 29. Númeru insidente ne'e konsidera tun kompara ho fulan sira antes ne'ebé rejista ho númeru aas hanesan iha Abril = 48, Maiu = 47 no Juñu = 54. Tuir monitorizasaun, númeru insidente ne'e mós tun tanba prezensa Krús Joven no Ilas Inan Peregrina ne'ebé tama sai bairru sira iha Dili laran. Ho vizita Krús Joven ho Ilas Inan Peregrina, joven sira ho esperiénsia envolve iha konflitu ho konsiénsia tomak hakarak no aproveita atu badame no simu malu fali. Haree gráfiuku insidente violénsia tuir Postu Administrativa iha Dili hanesan tuir mai:



Husi insidente violénsia 29 iha fulan Jullu, ne'ebé akontese iha Dili: Insidente 10 kategoria iha ligasaun ho krime juventude, Insidente 6 kauza husi hemu tua lanu no insidente 4 seluk kategoria hanesan problema entre família.

Totál Insidente fulan Jullu 2015	
Munisipiu	Insidente
Aileu	2
Ainaru	6
Baukau	13
Bobonaru	3
Covalima	3
Dili	29
Ermera	2
Lautein	3
Likisá	7
Manatutu	1
Manufahi	7
Oekusi	7
Vikeké	7
<b>Totál</b>	<b>90</b>

### INSIDENTE VIOLÉNSIA LIGA BA KESTAUN POLÍTICA KONTINUA REJISTA HO NÚMERU AAS, HAMUTUK 14 NO HUSI INSIDENTE NE'E, METADE IHA RELASAUN HO FORSA EMPEÑAMENTU OPERASAUN KONJUNTA (EOK) IHA MUNISIPIU BAUKAU

Iha fulan Jullu, Sistema AtReS mós rekolla insidente violénsia hamutuk 14, ne'ebé hun no abut iha relasaun ho desizaun polítika ho rezolusaun no mós programa governu nian. Kestaun polítika iha nivel altu, provoca no kria insidente entre comunidade, comunidade ho ofisial governu. Husi insidente violénsia 14 ne'ebé rekolla, iha insidente 8 mak iha relasaun ho Atuasaun Forsa Empeñamentu Operasaun Konjunta (EOK) ne'ebé hala'o iha Munisipiu Baukau, hodi buka tuir eis Lider Konsellu Revolusaun Maubere (KRM) Paulino Gama "Mauk Moruk" ho nia elementu sira. Iha insidente 3 mak akontese bainhira membru EOK husu ba comunidade sira atu hatudu Mauk Moruk ho nia elementu sira nia subar fatin ka paradeiru, maibé tanba de'it comunidade sira hatán katak sira la hatene ka la haree, entaun Membru EOK halo agresauñ fíziku ho tuku no tebe comunidade sira. Iha mós insidente violénsia 2 seluk ne'ebé akontese bainhira Membru EOK halo pasa revista ba transporte sira iha área Postu Administrativa Laga, ne'ebé sira baku sofer no pasajeiru sira tanba la halo tuir orden. Pelu kontráriu iha insidente 1 mak joven sira tuda kanek fali Komandante Pelotaun EOK nian ida to'o baixa iha Ospital Referral Baukau. Enkuantu insidente 2 seluk iha relasaun ho kapturasaun husi EOK ba comunidade sira tanba deskonfia hanesan membru KRM, ne'ebé halo família no comunidade seluk ta'uk no pániku.

Insidente 6 seluk liga ba programa governu mak hanesan insidente liga ba traballadór, regra iha Ospital, programa governu liu husi Sistema Nasionál Cadastral (SNC) no programa governu liga ba protesaun meu ambiental, ne'ebé provoca insidente violénsia.

### HEMU TUA NO LANU HODI PROVOKA NO HAMOSU VIOLÉNSIA KATEGORIA HANESAN INSIDENTE NÚMERU AAS BA DARUAK IHA FULAN JULLU, HO TOTÁL 16

Iha fulan Jullu, Sistema AtReS rekolla dadus insidente hamutuk 16 husi total insidente 90 mak nia hun no abut mai husi hemu tua to'o lanu hodi provoca no hamosu insidente violénsia. Husi númeru ne'e barak liu akontese iha Munisipiu Dili, ne'ebé hamutuk insidente 6. Insidente violénsia ne'ebé akontese tanba hemu tua lanu, mós akontese iha Munisipiu seluk hanesan Aileu insidente 1, Bobonaru insidente 1, Likisá insidente 3, Manufahi insidente 1, Oekusi insidente 3 no Vikeké insidente 1. Insidente hirak ne'e barak liu mak liga ho juventude no membru família. Ezemplu insidente ida mak hanesan tuir mai; Tia ida uza ai-dona duni nia katuas oan ne'ebé hemu hela tua ho grupu joven sira iha Aldeia Pukelar, Suku Dato, Postu Administrativa Likisá, Munisipiu Likisá. Ferik oan mai halo asaltu ho ai-dona hodi baku nia katuas oan no duni hotu grupu joven ne'ebé hemu tua hamutuk. Tanba


nee, hamosu hakesuk malu entre katuas oan no grupu joven. Kazu ne'e hetan intervensaun husi família no joven bairru laran hodi rezolve kedas kazu ne'e tuir dalan família.

Esplikasaun espesífiku refere ba gráfiku iha kraik:

1. Análize ba gráfiku insidente violénsia iha fulan Jullu hatudu katak, ema ne'ebé envolve ka hahú halo violénsia mak joven sira, ne'ebé hamutuk insidente 22 no número insidente ne'e konsidera aas nafatin,
2. AtReS mós identifika katak, insidente violénsia ne'ebé envolve mane hamutuk 76, maske nune'e mane mós sai hanesan alvu ba violénsia hamutuk 50,
3. Pontu pozitivu ida husi dadus ne'ebé hetan hatudu katak, Polísia nia intervensaun no responde ba insidente boot liu hamutuk 76 husi total insidente violénsia 90.

### KARATERÍSTIKA INSIDENTE


Total Insidente: Jullu 2015




Insidente Fatin




Metodu Violensia



Tipu Violensia



See Mak Hahu / Halo Violensia?




### Ema Ne'ebe Hahu Violensia Nia Jeneru saida?




### Vitima Nia Jeneru Saida?




### Hun no Abut Konflitu



### See Mak Responde?



### Impaktu



## ATIVIDADE PREVENSÃO NO RESPONDE BA KONFLITU

### Atividade Ne'ebé Hala'o Husi Ekpa Atensaun no Responde Sedu (AtReS)

- ▶ Atu redús kustu serimónia kulturál hanesan kore metan, harii uma mean no barlake mak lider lokál, lia na'in no parte igreja iha Postu Administrativu Maubisse liu husi RPRK Maubisse kria Lei Tara bandu. Sosializasaun Lei Tara bandu realiza husi loron 13-22 Jullu iha Suku 9 iha Postu Administrativu Maubisse.



- ▶ Hamanas Ai-Toos iha Suku Lahane Osidental realiza iha loron 29-31 Jullu. Objetivu atividade ne'e atu redús konfliktu liu husi bandu tési ai arbiru iha foho lolon, husik animal livre, violénsia doméstika, no aktu violénsia seluk. Atividade ida ne'e partisipa husi Adjuntu Administradór Munisipiu Dili, representante husi Sekretariadu Turizmu, Arte no Kultura, Diretór Nasionál Meiu Ambiente husi MCI, representante MSS husi Departamentu Harii Pas no Koesaun Sosiál (DHPKS), Prezidente Komisaun Omenajen no Belun, inklui Komunitade kuaze atus lima mak partisipa iha serimónia ne'e.



- ▶ Insidente ne'ebé akontese iha eskola hamutuk 39 mak akontese iha Sub Rejiaun Pante Makassar husi tinan 2014 to'o 2015. Ho razeun ida ne'e mak, RPRK Sub Rejiaun Pante Makassar, Rejiaun Autónoma Oekusi realiza semináriu loron ida ne'ebé hetan partisipasaun husi entidade rejiaun hanesan Diretór Edukasaun, Diretór Rekursu Umanus no Finansas, Diretór Formasaun-Kapasitasaun Funsau Públiku, Xefe Departamentu Solidariedade Sosiál no Sekretária Prezidente ZEESM Oekusi. Semináriu realiza iha loron 28 Jullu no partisipa husi participante ema na'in atus ida.



Revista situasaun ne'e relata kona-ba asuntu xave relaciona ho insidente violénsia no tendénsia konfliktu husi koleasaun dadus monitorizasaun liu husi Sistema Atensaun no Responde Sedu (AtReS), ne'ebé kobre iha postu administrativu 43, suku 208, husi Postu Administrativa 65 iha Timor-Leste durante Jullu 2015. Belun esforsu atu fahe informasaun ne'ebé up-to-date no serteza ho dadus atuál. Hanoin katak, bele hetan mudansa situasaun ho lalais husi kontribuisaun dame ita hotu nian. Ami agradese no simu informasaun seluk ne'ebé bele klarifika ka update dadus ne'ebé ami iha liu husi sistema AtReS.

**Marilia Oliveira da Costa**, Jestor Sistema AtReS: [bylah.belun@gmail.com](mailto:bylah.belun@gmail.com)

**Laurensius Lein**, Espesialista Prevensaun Konfliktu & Política: [laurensius.belun@gmail.com](mailto:laurensius.belun@gmail.com)

#### Atividade Ne'ebé Hala'o Husi Ekipa Mediasaun no Rezolusaun ba Disputa (MRD)

- ▶ Enkontru ho disputante sira iha loron 22 Jullu, iha Sede Suku Holsa, Postu Administrativa Maliana, Munisipiu Bobonaru. Objetivu importante mak atu fó opsaun no sujestaun ba disputante sira hodi rezolve sira nia problema liu husi mediasaun. Iha enkontru ne'e partisipa husi Administradór Postu Administrativa Maliana, Diretór DTPSC, Staff Tékniku SNC, OPS Holsa, Xefe Suku Holsa no mós disputante. Total partisipante 45 pesoál (feto=11, mane=34).
- ▶ Enkontru hanesan mós realiza iha loron 31 Jullu, iha Edifísiu DTPSC Munisipiu Baukau. Partisipa iha enkontru ne'e mak diretór DTPSC Munisipiu Baukau, membru PNTL, Xefe Suku Uailili no Xefe Suku Buibau no disputante. Total partisipante 45 pesoál (feto=7, mane=38).